

Maistrale

**Una Prucissione
in
Soccia**




Ajacciu
Stamparia di A Muvra

1924


SCDU DE CORSE



D 079 146469 6



Una Prucissione in Soccia



A8162530x


Maistrale

**Una Prucissione
in
Soccia**



Ajacciu
Stamparia di A Muvra


1924



U quat'r'uttobre passatu
È statu un ghjornu niellu,
In Soccia ciò ch'è stalbatu
A sà ancu megliu Palellu;
A casu, par tistimone,
Ci saria ancu Mattone.

In stu jornu, a San Francescu,
Fu dicisa a prucissione;
U tempu era pocu frescu
E durava u caldione,
Ma malgradu lu calore,
Cusi parlò lu priore:

— Cu lu camisgiu stiratu,
Riunitevi, o fratelli,
Ch'ognun sia priparatu
Sta sera, vecchi e zitelli,
Sia par purtà lu santu
O par dà forz'a lu cantu.



U quattr'uttobre passatu
È statu un ghjornu niellu,
In Soccia ciò ch'è stalbatu
A sà ancu meglu Palellu;
A casu, par tistimone,
Ci saria ancu Mattone.

In stu jornu, a San Francescu,
Fu dicisa a prucissione;
U tempu era pocu frescu
E durava u caldione,
Ma malgradu lu calore,
Cusi parlò lu priore:

— Cu lu camisgiu stiratu,
Riunitevi, o fratelli,
Ch'ognun sia priparatu
Sta sera, vecchi e zitelli,
Sia par purtà lu santu
O par dà forz'a lu cantu.

Chi, a la statula d'intornu,
 Cume par l'episanie,
 U fratellu, a lu so tornu,
 Ci canti le *litanie*
 E senza jalta ne topi,
 Ellu dica: *ora pro nobis.*

Quandu faraghiu l'appellu,
 Cu lu libru in sacristia,
 Subitu ch'ogni fratellu
 Mi rispondi : *avè maria !*
 A ch'un port'a San Francè,
 Amende ne avarà tre.

Cu u santu si vaga pianu
 E lu passu si misuri,
 Incu lu missale in manu,
 A voce chi nimu un curi;
 Cu candeli e bella cera,
 Si cumenci a *sicut era.*

Incu camisgiu e curdone
 E cappa sopr'a la testa
 Sta ser'a la prucissione
 Si canti pa sta gran festa,
 Fendu quattr'o cinque tondi,
L'agnus dei speccat'a mundi.

Apress'a su parlamentu,
 Dopu vetu a la funtana,
 U sacristanu cuntentu
 Fece un toccu di campana
 E par un n'esse in ritardu
 Lustrò li scarpi di lardu.

Infine a l'ultimu picchiu,
 Ancu Grillu in silacchina
 S'avvicinò da lu nicchiu
 Pa la porta masciulina:
 Intuppendusi una panca,
 Messe a scicc'a parte manca.

A lu son di a campanella
 Ognun cacciò la barretta,
 Ogni donna ancu zitella
 Pigliò l'acqua binadetta
 E cume pa le gran messe
 U camisgiu omu si messe.

Dopu junta Mariola
 A fa vede e so puntette,
 U prete messe la stola
 E le so bianche faldette;
 A tutti messe lu siscu
 Cu lu *domine vobiscu.*

Apress'a tutt'i zitelli
 Eccu e figlie di Maria
 Cu midaglia e frisgitelli
 E filari in fantasia;
 In li cantichi puliti
 Quesse cherenu mariti.

Eccu lu piuvanu accantu
 A quattr'omi infurcazzati;
 Dopu ne vene lu santu
 Cu li panni tarulati
 E Palellu, a lu so dettu,
 Pare u parente più strettu.

Ma Mattone, ch'è ghjlosu,
 Par daretu s'avicina
 E c'un tonu maistosu
 Li dice: sangue di tina!
 Si u sant'un voli che porti
 Ci sarà quattr'omi morti.

— Un n'hai drittua purtallu
 Ch'un ti sè mancu vistutu,
 Lasciami fa lu camallu
 Par nò tu sè troppu astutu
 Vai a vede versi Vicu
 Si tu trovi u me billicu.

— O Palè, par Diu Santu!
 Mil crosciu sò di sudore,
 Aiò, dà, dammi su santu
 Altrimenti lu priore,
 A la fin di la faccenda,
 Mette mi vole a l'amenda.

— Amende, ne dia sette
 Parchi sè troppu pultrone !
 Incu le to varzullette
 Dannaristi a sant'Antone ;
 Bolimi sorte di via,
 Ghiur'lù beccu di Maria !

— Hai bisognu di jurà
 Sangue di lu *porc'acellu* !
 Si t'un poni u santu avà,
 Bogliu ellu nasca un flagellu,
 E poi in quattr'e quattr'ottu
 Mandatti un bellu cazzottu.

— Un cazzottu ? se t'aggantu
 Di te ne facciu un stuppone;
 Portu rispettu a lu santu
 Parchi semu in prucissione
 E s'ejу un ti pigliu in manu,
 A facciu pa lu piuvanu.

Ghiuru lu *Ponziu Pilatu* !
 Tontu, sceinu ed « imbaccille »
 Più ca te l'aghiu amparatu
 A cantà lu *diesille*;
 Poni quiggi a San Francè
 Ch'è più parente di me.

— È tamanta sa bugia
 Ch'un la sentu vulinteri:
 U sant'un ci ha parintia
 In Soccia cu li sumeri,
 O piattati in d'un tavone,
 O sinnò levi un pattone.

— Ma sè tu ch'hai runcatu
 Cu le to ragione torte,
 S'eju sò dissonoratu
 Tu farè la malamorte :
 Postu chi tu sè numicu,
 Par daretu ti pizzicu !

A lu pizzicu, Palellu
 Falà si face la cappa,
 Dopu tirat'un ghiumellu
 Par una braga l'acchiappa
 E falendu pa la stretta,
 Ciattu, li face l'anchetta.

Calci, pugni, urli, brioni !
 Ribumbavan'in l'umbriccia,
 Mattone senza calzoni,
 Li s'appitic'a la ciccia
 Incu l'ugne, in modu tale,
 Par pilalli u barbazzale.

Ma Palellu, da la sista,
 Lestru s'ammir'a lu brugnu,
 Piglia a livata e l'inquista
 Par mandalli un bruttu pugnu:
 A vighina sbiguttita
 Casca morta e supillita.

— Ohimè ! chi m'arruvina !
 Grida Mattone tribiatu ;
 Di me ne face papina,
 Chiamatemi lu curatu,
 Tinite ad ellu, o ziu Frognu,
 Parch'a mene un c'è bisognu.

— *Quare mene ripulisti?*
 Risponde Palellu in cesta ;
 Datemi bandera e cristi
 Chi vogliu saltall'in cresta .»
 E c'un pizzicu in daveru,
 Li strisciula lu bragheru.

Un prior cuncorre e tene,
 Ma vistu l'omu spugliatu
 Zia Coditorta si svene
 A perde quasi lu fiatu
 E lu prete, in stu micidiu,
 Ricitò lu *visibiliu*.

Par'e teni, teni e para
 Cazzotti ann'ant'a la nappa !
 A chi men'a chi sipara,
 A la fin Mattone scappa !
 Senza calzoni, s'avia
 Versi la giandarmaria.

S'incamina cu sbaldanza
 E, trinchendu lu francese,
 Ellu face una lagnanza
 Contr'u santu di u paese
 Dicendu : o sciò brigatteru,
 S'ha furatu u me bragheru !

A brigada, in cinturone,
 Ne parte a scupettu cintu,
 Accampa la prucissione
 E, dopu u paese abbintu,
 Dice a lu prete la voglia
 Di fà in la stacca la foglia.

Ma Palellu ha la paura
 E scappa pà li pulloni:
 — Una lagnanza è sicura,
 Dev'esse pa li calzoni !
 Disse l'omu intarruritu
 Chi ghiurò d'esse banditu.

Banditu cu la carchera
 Vulia esse par cent'anni
 E prima d'andà in galera
 A cent'omi fa li panni,
 Ma a fece pa u sacristanu
 E a sera si messe in manu.

Di u stomachu chi Mattone
 Fece vede in tribunale
 È sfidatu, in paragone,
 Ancu Foccu u generale:
 Cu a lingua, par fassi crede,
 Alzò la manu e lu pede.

Benchi Soccia un sia Palneca,
 Palellu, cume in l'uttava,
 Si dede a la santa nega
 Ma una sedina un cullava !
 Cridi chi la mattacina
 Finiss'in la cagliittina.

— O madonna, chi tarrore !
O san Francescu, chi sorte !
C'era lu pricuratore
Chi dumandava la morte.
U giandarme in catarocchiu,
Mi guardava cu tant'occhiu !

— Chi maner'd'avè minatu
A Mattone qui prisente ?
A l'amenda cundannatu !
Mi lampò lu pridente.
Cusì vidu in prucissione
A san Roccu in lu stagnone !



Ajacciu, Stamparia di A Muvra.

